

濟貧詣官

隋，普安，京兆涇陽人。周氏滅法，隱於終南山之榷梓谷，苦行忘身，或露形草莽以施蚊蟲，或委臥亂屍以施虎豹。時有重募，擒送一僧，賞帛十段。或來執安，安欣然慰喻曰：「觀卿貧煎，正欲相給，為設食已，與共入京。」帝曰：「我國法急，不許道入民間；汝更助急，不許道入山中，則遣渠何往？」遂放入山。

躬處癘坊

唐，智巖，丹陽曲阿人。智勇過人，為虎賁中郎將，漉囊掛於弓首，率以為常。後入浣公山，依寶月禪師出家。

昔同軍戎刺史巖撰、張綽等，聞其出家，尋訪之。見深山孤寂，謂曰：「郎將癘耶！何為在此？」巖曰：「我癘欲醒，君癘正發。」往石頭城癘人坊為其說法；吮膿洗穢，無不曲盡。永徽中，終於癘所，顏色不變，異香經旬。